



24.april 2019

UPA2019/221/193

221

Piniakkat killilersukkat Avannersuarmittoqqortoormiinilu qilalukkat qernertat qaqortallu, aaveq aamma nanoq pillugit periarfissaqarnerisooq misissuisoqassasooq, kiisalu sunik suliniutinik killilersuisoqarunnaarnissaa pillugu Naalackersuisut UPA2020-imut peqquneqarnissaannik Inatsisartut aalajangiiffigisassaattut siunnersuut.

193

Piniakkanik killilersukkanik ukiumi pisassiiffiusumi Qilalukkanik qernertanik Qilalukkanik qaqortanik aammalu Nannunik, ukiup qaammataani qaammatit marluk December-imi Januar-milu pisassiiffiujunnaartinneqarnissaannik Naalackersuisut peqquneqarnissaannik inatsisartut aaliagiiffigisassaattut siunnersuut.

(Inatsisartunut ilaasortaq Aleqa Hammond, Nunatta Qitornai)

Inuiaqatigiuvugut piniarnermik pingaartitaqartuusugut. Neqissaqarniarnikkut imminut pilersortuuneq kinaassuseraarput. Piniarnej ima inooriaatsitsinnut pingaaruteqartigaaq aaqqissugaanitsigut piniagassatigut piniartortatsinnut pisasaqartitsiinnarata saniatigut pinaluttartunut aamma pisasaqartitsisarluta. Qerititsivitta immernissaat, inuussutissaqarnissaq, pilinissaq aammalu kinaassutsitsinnut ilisarnaatit kalaalimerngit inuunitsinnit peerneqarsinnaanngimmata. Nerisassaattigut kinaassuseraavut tunngavigalugillu.

Kinaluunniit kalaalimernermit pingaartitsisup kalaalimeneq piunnaaraagamiuk annertuumik tujormissutigalugulu illingunneq angisooq pigalugu inuunerup pitsaassusaanik appariaateqartitsisarsoq ilisimaaraarput.

Piniagassatta killilersorneqarnerisa kingunerisaanik ullumikkut inuit illnguttunngortinneqarput, inuit piniagassanut paggattunngortinneqarput, kalaaliminiutitta tuniniarnerarup niuertarfinni akisoorujussuannngortinneqarput minnerunngitsumillu pissarsiniarnej ajornartorujussuannngornikuulluni. Massa nungisatta pisuussutai pissarsiarineq ajornarsisut. Taakkunanit isumagineqarneq annerpaasussaagalarpoq killormuunngitsoq.

Nunatta isorartussasusaata nassataraa piffinni inooriaaserput assigiinngitsuulluni. Piniakkat, aalisakkat uumasullu piffinni assigiinngitsuummata assigiinngitsumik atugassaqarpugut.

Piffiit ilaanni umiarsuartigut pilersorneqarneq annertuvoq ukiorlu kaajallallugu isumagineqarfinniittut pisiniarfinni nerisassatigut toqqagassarpassuaqarfinniippat, naatitatigut ajorsarfiunngitsuni aammalu akitigut atugarissaarfiunerusuniillutik.

Nunatta Qitornai

Inatsisartuni



Piifiillu ilaanni ikittuinnarnik aasaanerani umiarsuaqarfiusimasuni pilersorneqarneq killeqaqaaq. Piniagassaq killeqartut pisiniarfimmilu pisiassat killeqartut.

Inuiaqatigiit peqqinnerusut pilersissangutsigit timersornerinnakkut peqqissuseq anguneqarsinnaanngilaq. Nerisassat inuussutissaqarluartut peqqinnartut aammalu imminut pilersorsinnaassutsimik tunngaveqartumik inooriaaseq imminut isigineq peqqinnarnerusoq tulluusimaartorlu aqutissat ilagaat.

Isumaqarpugut killeerutsitsilluni piniarneq tamakkiisooq illersussallugu tunngavissaqanngitsugut, kisiannili taamatut oqareerlunga isumaqarpunga ullumikkutut ingerlatsineq aqutissatut pitsaanerpaatut taajumanagu.

Aaqqissuussinerput pitsaanerusinnaavoq.

Avannaani Nunattalu Kangiani immikkut aaqqissuussisoqarnissaanik isumaqarpugut. Inuussutissaqarniarnikkut piniakkatigut piffinnit allanit annerusumik pissarsisoqartarnissaanik ujartuineq qaniginaqaaq. Neqissaqarniarnik inuussutissarsiuteqarsinnaanermillu aqutissiuussisinnaaneq qaniginaqaaq. Inuussutissarsiuteqarneq inooriaatsimik illersuisooq qaniginaqaaq.

Uumasunik illersuiniaqatigiit peqassutsillu nungusaataanngitsumik piniarneqarnissaannik mianerisaqarnissaq pinngitsoorani isummersuutit qanoq sunniuteqarsinnaaneri qissimingaagassaapput allaqqussinnaanngitsut. Kisianni isumaqanngilaq taanna kisiat tunngavigalugu isummersussasugut.

Isummersussuugut inuiattut qanoq inuujumavugut. Inuiattut uumasut piniakkat pillugit qanoq aaqqissuussaajumavugut. Inuiattut neqissaqarniarneq pillugu qanoq anguniagaqarumavugut. Inuiattut uumasooqatigiit nerisaqaaqatigiinnerat ataqqillugu qanoq piniariaaseqarumavugut nunarsuarmioqatigiinnerup aqqani aammalu killilersuinerup tatisimanninnerata nalaani.

Apeqqutit akisariaqartut. Apeqqutit akissutissarsinerini aqutissiuussisussat.

Peqassutsip tamakkiisumik ilisimanissaa pisariaqarpoq. Eqqoriaanerit, missiliukannerinninnerit kisitsisisimanermit tunngavigeriarlugit qaavatigut mianersortumik pisassat tagginneqartarneri suli qaavatigut mianersornerusumik tunngaveqartumik pisassiisarpugut. Eqqoriaaneq angissusia, massa inuiaqatigiit inuuniarnerminni toqqammaviinik taggissineq. Nalaattornerinnaavallaqaaq. Inuiattut tunngaviliinerput nalaattornerinnaavallaqaaq. Nalilersuisarnerit annerusut, kisitsisarnerit tutsuinarnerusut aqutissaasariaqarput, inooriaaserput neqissaqarniarnerpullu pineqarpoq.

Nunatta Qitornai

Inatsisartuni



Isumaqarpugut siunnersuutigineqartut ima pingaaruteqartigisut ataatsimiititaliamit naligiisillugit isummorsorfigineqartariaqartut aammalu ataatsimiititaliami sulinermi isummat illuatungeriit tusarneqarnissaannut tunngavissamik ujaasilluartoqassasoq.

Siunnersuutitut qujalluta ataatsimiititaliamut ingerlateqqippavut.